

Caepguh Vwnzva Daegsaek Cuengh Gun Haenqrengz Cauxguh Yinzvwnz Hagdangz

构建壮汉文化特色 努力创建人文校园

——Lwnh Sanglinz Yen Vangzcouh Siujoyz Cuengh Gun Song Saw Vah Sonhag Gingniemh

□ bonjbauq gicej Mungz Yenginz Luj Sauh



▲ Hagdangz cujiz hagseng guh gyaez guk cuji gyauyuz.

▲ Hagdangz lauxsae doxcomz guh sonhag doxgyau.

◀ Hagdangz hwnj dangz goq goenghai.



▲ Hagdangz lauxsae ciengz-caeu seizgan bae gwnz dangz dingq doq doxgyau.

Sanglinz Yen Vangzcouh Siujoyz dwg youq ndaw yienhsingz, dwg aen hagdangz yungh Cuengh Gun song saw vah daeuj sonhag ndeu. Banhhag gvaqdaej, aeundaej cingzcih hung-raeuh. Youq gak cungj mbouj ndei hingqseiz yingyangj lajde, gaxgonq Sawcuengh sonhag hix deng yingyangj gig daih, hauilai cawjranz faenfaen soengq lwgnyez swheij bae lingh aen hagdangz doeg Sawgun, lauhei q hagseng hag le Sawcuengh mbouj rox Sawgun, caemhcai q lauhei q hag Sawcuengh cijnaengz dwg yaepseiz he, raemx gvaq laeng bit, seizneix cungj doigvangq bujdunghva lo, caemhcai q Yinghyij sonhag gauj ndaej hoengghwd dem. Cimdoi q gij saedcae q vwndiz neix, hagdangz lingjdaej banhsuj caeuq daengx-gyoengq lauxsae ginggvaq mbouj-duenh roengzrengz caemhcai q mboujduenh damqra, daengzlaeng byaij ok diuzroen moq ngamjhab hagdangz fazcanj ndeu. Haenx couh-dwg:

Genhciz vahcoj sonhag, gaihcanj minzcuz funghcingz haeuj hagdangz hozdung. Hagdangz nyinh-caen gvancez cibroek ci h sonhag fuengcim. Hagseng aen hagdangz neix dingz lai dwg lwg Bouxcuengh, vih gikfat gyoengq hagseng bae guh ndei minzcuz doxgiet, ndaw hagdangz moix bi cungj gawjbanh baez minzcuz funghcingz haeuj hagdangz hozdung ndeu, lumj gaihcanj diuq foux faexsaux, dwklongj, foux haizgieg, doi q Fwencuengh, diuqcag, diklw-gienq, gveng daehsa, banh "sam nyied sam" meijisizez daengj ithaehlied hozdung, hawj daengx aen hagdangz miz vwnzva Bouxcuengh noengqnt.

Cauxguh Cuengh Gun vwnzva

daegsaek hagdangz. Doiq hagdangz vwnzva faqciengz, vwnzva luengq-byaij, vwnzva bangaep, vwnzva banhgunghsiz daengj sezsih, insik moix faen ngaenz, ceng' aeu hwnj aen hanghmoeg ndeu, dem caux faenh gingj ndei he, caenhrengz guh daengz "moix faqciengz cungj rox gangjvah, moix giz gungxgox cungj ganq vunz", hawj hagseng giz yawj ndaej daengz, giz byaij daej daengz, giz dingq ndaej daengz cungj miz Cuengh Gun vwnzva noengznwd daeuj oeng caeuq nyumx, son saeseng baenz-lawz gangjvah, baenzlawz guhvunz, gak aen ban hwzbanjbau, senh-conzlanz, meijisuz cozbij daengj, hix dwg yungh aen hingzsih aeu vah Cuengh Gun giethab hwnjdaej, hawj aensim hagseng lai fuengmienh ndaej daengz iemqnyinh.

Gaenx ganq mak duengh rim go. "Cib' it. Haj" gvaqdaej, hagdangz youq cauxguh Cuengh Gun vwnzva daegsaek hagdangz doengzseiz, sonhag cingzcih ndeiraeuh, miz 31 boux lauxsae gonqlaeng aeundaej swicigih, si, yienhgaep senhcin gyauyuz gunghcozcej, lauxsae maenhndei, yozgoh bouxdai qdaez, maenhndei conhyez gisuz yinzcaiz,



▲ Hagdangz saedyienh dohmeizdij sonhag.



▲ Yienh gyauyuzgiz gyauyenz-yenz ciengzseiz bae gwnz dangz dingq goq soyinx hong sonhag.

minzcuz doxgiet senhcin goyinz daengj cwnghauh miznaj; miz 17 bien gyauyenz lunvwnz youq sengjaep doxhwnj haedsim gyauyuz ganhvuz gwnzde fatbiuj; miz 15 boux lauxsae camgya yienh, disi, swicigih gih-bwnjgungh daengj doxdax ndawde ndaej ciengj; 2010 nienz daengx gih gaihcanj Cuengh Gun song saw vah gangjgoq doxdax, 3 boux lauxsae faenbied aeundaej ngeih, sam daengj ciengj; 2011 nienz, miz 8 boux hagseng camgya daengx guk sijcih vehveh doxdax ndaej ciengj, 18 boux hagseng camgya daengx gih cozvwnz Cuengh doxdax ndaej ciengj, ndaej ciengj cozbij ndaej daeng hwnj gwnz 《Gvangjsih Minzcuz Bau》 bae; 2011 nienz 5 nyied 25 hauh, Vwnh Meijgenh lauxsae hawj Cunghyangh Densidaiz daengj 16 gya meizdij hwnj dangz Cuengh Gun song saw vah yenzdaujo ndeu, hagdangz Sawcuengh sonhag ndaej byaij bae coh daengx guk lo. Seizneix aen hagdangz neix yungh cingzcih daeuj gangjvah, cawjranz mbouj yungh coi gag faenfaen soengq gyoengq lwg haeuj aen hagdangz neix daeuj doegsaek lo.



▲ Hagdangz moix aen haggeiz cungj banh sijsaw vehveh baiyawj, son hagseng lai gvai.



▲ Hagseng camgya ndaw yienh yienjheiq ndaej ciengj.